

هل تعرف أساتذتك؟

[ثمانية من أساتذة الشاعر بكلية دار العلوم، وصف كلا منهم
بمسيه ثم تسأل من يكون؟].

بالتُّبَلِ معروفٍ ودي مش حاجة من عندي
وكلنا نشيله في العين دي وفِ العَيْنِ دِي
ملاكٌ على الأرضِ ماشي، واما بنقابله
في رحمةِ الأبِّ ياخذُ مِننا ويَدِّي
دا يبقى مين؟^(١)

أستاذ ما يرضاش عن اللَّيِّ يمشي بالمقلوب
طَلَعُ كَلامِ سَيويهِ في النَحْوِ كُلُّهُ عَيوبُ
وتناقشه ف محاضرتِه تضربُ معاك لخمه
وان كنتُ غالبٌ.. تملِّي يقعدك مغلوب
دا يبقى مين؟^(٢)

محاضرتِه فِ الغَزَلِ أحلى من التوفي
كتبُ فِ أنواعِه: كن ليه نِسي الصوفي

(١) الأستاذ علي الجندي عميد كلية دار العلوم (سابقاً).

(٢) الدكتور عبد الرحمن محمد أيوب.

أسلوبه أسلوب جميل لكن بتحفظ فيه
نصوص كثيره.. يا خوفي منها يا خوفي
دا يبقى مين؟^(١)

النقد بيدرسه بطريقة عال العال
لكن احنا ما فهمناهاش.. والحق راح ينقال
وعلشان ما يظهرش منا الجهل قدامه
كنا بنسكت ولا نسألش أي سؤال
دا يبقى مين؟^(٢)

شرقاوي طيب، وقلبه أبيض من النيكل
شاعر، وف محاضرتة أسرع من الديدزل
تعبت علشان أجيب القافيه على إسمه
ما لقيتش إسم يساويه في الوزن غير فيصل
دا يبقى مين؟^(٣)

باحث وعقله كبير فعلاً، ودا مش فشر
ومعلوماته عظيمة تستحق النشر
جّه السنا دي جديد وادانا في التطبيق
حاجات كثيره ذاكرنا منها بيجي العشر
دا يبقى مين؟^(٤)

عالم متين، وان سألته سؤال يروح زهقان
إدانا في الفقه مقلب مستوي مليون

(١) الدكتور أحمد الحوفي .

(٢) الدكتور محمد غنيمي هلال .

(٣) لدكتور أحمد هيكل .

(٤) الدكتور كمال محمد بشر .

وجاب لنا أسئلة صعبة ما حلَّهاش
وتقابله يضحك.. كأن اللي جرى ما كان
دا يبقى مين؟^(١)

دينمو في دار العلوم مليون حاجات تنفع
لكل فكرة جميلة يُعتبر منبع
آراؤه دائماً سديدة، بس في الجامعة
روتين معقد.. ومين يقرا ومين يسمع
دا يبقى مين؟^(٢)

* . * . *

(١) الأستاذ بدران أبو العينين بدران.

(٢) الدكتور عبد الحكيم بليغ.